



REPUBLIKA E KOSOVES/REPUBLIKA KOSOVA/REPUBLIC OF KOSOVO	
AGJENCIA KUNDËR KORRUPSIONIT	
AGENCIJA PROTIV KORRUPCIJE	
ANTI-CORRUPTION AGENCY	
Dep:	Nr. Prot
Dep: <u>DPKI</u>	Prot No: <u>06-1933/20</u>
Nr. ifaq:	Data
Broj stranica	Datum: <u>23-09-2020</u>
Nr. pages: <u>03</u>	
PRISHTINE	



Republika e Kosovës
Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI - CORRUPTION AGENCY

Në mbështetje të nenit 11, paragrafi 1, nën paragrafi 1.1, nenit 5, paragrafi 1 pika 1.5, nenit 18, paragrafi 10 dhe 11 të Ligjit nr. 03/L-159 për Agjencinë kundër Korrupsionit, si dhe nenit 7 paragrafi 4 të Rregullores nr. 01/2018 për Ndryshimin dhe Plotësimin e Rregullores Nr. 01/2014 dhe Rregullores Nr. 01/2017 të Punës së Agjencisë Kundër Korrupsionit, Drejtori i Agjencisë kundër Korrupsionit me datë 22.09.2020, mori:

V E N D I M

- I. Mbyllet rasti me nr. **AKK-DPK-06-1739/20**, për zyrtarin e lartë z.Fetah Paçarizi, Anëtar i Këshillit Drejtues të Qendrës Kinematografike të Kosovës(QKK) njëherit edhe Drejtor i Teatrit të Qytetit të Prizrenit “Bekim Fehmiu”, për shkak së është shmangur gjendja e papajtueshmërisë, përkatësisht konfliktit të interesit në ushtrim të funksionit publik.
- II. Rasti mund të rihapet në çdo kohë në rast se paraqiten rrethana të reja.

A r s y e t i m

I. Në rastin e shqyrtuar për konflikt të interesit me numër protokolli AKK-DPK- 06-1739/20, e qe ka pasur të bëjë me zyrtarin e lartë z.Fetah Paçarizi, Anëtarë i Këshillit Drejtues të Qendrës Kinematografike të Kosovës(QKK) njëherit edhe Drejtor i Teatrit të Qytetit të Prizrenit “Bekim Fehmiu” është zhvilluar procedurën e paraparë sipas Ligjit nr.06/L-011 për Parandalimin e Konfliktit të Interesit në Ushtrimin e Funksionit Publik.

Pas pranimit të informacioneve nga një denoncues i cili ka kërkuar nga Agjencia për të bërë vlerësimin e situatës së mundshme të konfliktit të interesit, në lidhje me zyrtarin e lartë z.Fetah Paçarizi, Anëtarë i Këshillit Drejtues të Qendrës Kinematografike të Kosovës(QKK) njëherit edhe Drejtor i Teatrit të Qytetit të Prizrenit “Bekim Fehmiu”konsiderohet se kjo situatë është në papajtueshmeri me nenin 30.4 të Ligjit për Kinematografi,pasi qe i njejt i mbanë dy poste publike.

Pas vlerësimit të këtij informacioni dhe analizimit të situatës, në pajtim me nenin 22,paragrafi 3 dhe 5 të Ligjit nr.06/L-011, Agjencia përmes shkresës zyrtare AKK-DPKI-06-1765/20, e ka njoftuar zyrtarin e lartë z.Fetah Paçarizi, Anëtarë i Këshillit Drejtues të Qendrës Kinematografike të Kosovës(QKK)për fillimin e shqyrtimit të gjendjes së mundshme të konfliktit të interesit gjatë ushtrimit të funksionit publik.

Pasi ka pranuar shkresën zyrtare, apo njoftimin zyrtar, z.Fetah Paçarizi, ka kontaktuar nëpërmes telefonit zyrtarët e AKK-së, të cilët, sipas procedurës, i kanë caktuar një takim informues në zyrat e AKK-së. Në këtë takim zyrtarët e AKK-së, e kanë informuar zyrtarin e lartë për iniciimin e rastit që ka të bëjë me një situatë të papajtueshmërisë që rrjedhë nga neni 30.4 i Ligjit Nr.2004/22 për Kinematografin,ku thuhet se: “ Nuk mund të emërohet apo të mbetet anëtar i këshillit drejtues personi: a) që mban a vëhet në post publik të zgjedhur”, si dhe për obligimet ligjore që ka zyrtari i lartë gjatë ushtrimit të funksionit publik, duke respektuar parimet e veprimit ku zyrtari ushtron funksionin e tij në pajtim me ligjin dhe kodin përkatës të mirësjelljes.

Gjatë këtij takimi të quajtur ndryshe edhe si “ballafaqim i fakteve”, zyrtari i lartë Fetah Paçarizi, është pajtuar me faktet e prezantuara të Agjencisë, duke thënë se nuk ka pasur njohuri për një kufizim apo papajtueshmëri të tillë duke pas parasysh se ka qenë i emëruar, në Këshillin Drejtues të Qendrës Kinematografike të Kosovës(QKK) në bazë të Vendimit të datës 30.01.2018 i nxjerr nga Ministri i atëhershëm i Kulturës Rinisë dhe Sportit(MKRS),dhe deri me tash nuk e ka ngritur askush këtë çështje, dhe as që ka pasur informacionin më të vogël lidhur me këtë. Me gjithëatë në këtë takim z.Fetah Paçarizi, ka deklaruar që është i gatshëm që sot të jap dorëheqje nëse një situatë e tillë cilësohet si e papajtueshme me funksionin e tij që mbanë si Drejtor i Teatrit të Qytetit të Prizrenit“Bekim Fehmiu”,dhe nuk dëshiron në asnjë mënyrë të jetë në kundërshtim me ligjin,dhe shumë shpejt do e njoftoj Agjencinë për veprimet e mëtutjeshme.

Pas këtij takimi zyrtari z.Fetah Paçarizi,nëpër mes komunikimit zyrtar na ka njoftuar se,Ministrja aktuale e Kulturës Rinisë dhe Sportit(MKRS),ka marr vendim për shfuqizimin e Vendimit për emërimin e ti si Anëtar i Këshillit Drejtues të Qendrës Kinematografike të Kosovës(QKK),dhe me Vendim të ri të datës 28.08.2020 dhe nr.108/2020, ka emëruar anëtarët e rinj të Këshillit Drejtues të Qendrës Kinematografike të Kosovës(QKK) ku z.Fetah Paçarizi, nuk është më pjesë e këtij Këshilli.

Pas vlerësimit të fakteve dhe situatës me informacionet e reja të siguruara lidhur me këtë rast, kemi ardhur në përfundim se janë krijuar rrethana të reja dhe është shmangur gjendjen e papajtueshmërisë në ushtrim të funksionit publik si dhe kufizimit nga neni 30.4 i Ligjit Nr.2004/22 për Kinematografinë, duke marrë parasysh se Ministrja e Kulturës Rinisë dhe Sportit(MKRS), me vendim të datës 28.08.2020 dhe nr.108/2020, ka emëruar anëtarët e rinj të Këshillit Drejtues të Qendrës Kinematografike të Kosovës(QKK), andaj u vendos si në dispozitiv të këtij vendimi.



II. Në mbështetje të nenit 18, paragrafi 11 të Ligjit nr. 03/L-159 për Agjencinë kundër Korrupsionit, Agjencia mund të rihap rastin në çdo kohë nëse paraqiten rrethana të reja.

Vendimi iu dërgohet:

- Zyrtarit të lartë publik
- Drejtorit të DPKI- së
- Z./znj. (zyrtari përgjegjës)

Shaip Havolli
Drejtore i Agjencisë kundër Korrupsionit

